


Pledentai tuttas e tuts e fascinai las persunas spezialisadas dal futur!

Voss stan da fiera duai plaschair a dunnas
giuvnas ed ad umens giuvens. Quai gartegia
cun texts e maletgs adattads sco er cun Voss
persunal dal stan.

Nus As giavischain bun success cun Vossa
preschentaziun a la fiera.

 Stabsstelle für Chancengleichheit von Frau und Mann
Post da stab per l'egualitad da las schanzas per dunnas ed umens
Ufficio di coordinamento per le pari opportunità per donne e uomini

En cas d'ulteriuras dumondas As
stat il Post da stab per l'egualitad
da las schanzas gugent a Vossa
disposiziun.

Tel. 081 257 35 70
info@stagl.gr.ch
www.stagl.gr.ch

La versiun originala franzosa
da quest flyer è vegnì redigì dal
Biro d'egualitad dal chantun Vad.



Stabsstelle für Chancengleichheit von Frau und Mann
Post da stab per l'egualitad da las schanzas per dunnas ed umens
Ufficio di coordinamento per le pari opportunità per donne e uomini

AS ADRESSAI A TUTTAS E TUTS!

Glista da controlla per preschentaziuns a fieras che resguardan las schlattainas



Tar la tscherna da la professiun sa laschan blers giuvenils influenzer da clischés da las schlattainas. Qua tras van a perder persunas spezializadas e talents na vegnan betg scuverts. Faschai frunt a quai: Mussai cun Vossa preschentaziun ad ina fiera che Vossa professiun vegn en dumonda per tuttas e tuts – independentamain da la schlattaina. Questa glista da controlla As gida.

PERSUNAL DAL STAN



Demananza

Mussai cun ina tenuta averta e comunicativa che Vus beneventais tuttas e tuts. Pledentai sistematicamain dunnas giuvnas, sche la professiun preschentada vegn dumandada surtut dad umens giuvens – e viceversa.



Vestgadira

Er cun la vestgadira pon ins signalisar clischés da las schlattainas. Evitai perquai dresscodes stereotips sco per exempel unicamain rassas e chalzers auts per dunnas ubain vestgids complets per umens.



Represchentaziun da las schlattainas

Faschai atenziun che dunnas ed umens sajan represchentads egualmain tar il persunal dal stan.



Exempels

IlS giuvenils s'identifitgeschan particularmain cun giuvnas persunas da professiun. Empruvai perquai da persvader giuvnas piunieras e giuvens piuniers da professiun per Voss stan, p.ex. in futur spezialist da sanadad u ina futura mecatronista.

STAN DA FIERA



Colurs

Nossa societad associescha tschertas colurs cun umens resp. cun dunnas. Concepi Voss stan da fiera cun las colurs da Vossa interpresa, da Vossa associaziun ubain en tuns neutrals. Evitai colurs stereotipas sco rosa u blau cler.



Texts

Faschai stim da duvrar ina lingua che resguarda las schlattainas. Duvrai furmas dublas sco «scolaras e scolars» u designaziuns neutralas sco «persunas en scolaziun». En il mussavia da la Confederaziun chattais Vus tips e trics co formular en ina moda e maniera che resguarda las schlattainas.

Link: <https://bit.ly/directivas-formulaziun>

LINGUA SIMBOLICA



Maletgs

Maletgs han ina gronda forza carismatica e d'attracziun. Evitai preschentaziuns stereotipas, per che Vus cuntanschias tant dunnas sco er umens.

Represchentaziun da las schlattainas:

Faschai atenziun, ch'ins vesia dunnas ed umens sin Voss maletgs. Mussai er teams maschadads.

Funcziuns: Tscherni maletgs cun dunnas ed umens en diversas funcziuns (scheffa, collavuratur, forza auxiliara e.u.v.) ed er cun dunnas ed umens en posiziuns directivas.

Lavurs: Mussai dunnas ed umens en moda eguala tar lavurs simplas e tar lavurs complexas. Mussai tuttas duas schlattainas en moda cumpetenta ed activa.

